



www.BibleForChildren.org

Zenezi 1




Ropoto na'rata hawimhã, 'Re
ihâimana u'âsi mono,
hâiwa duré uburé
marĩ iwa 're
isimasa mono
da hã, ma tô
simisutu
ti'ai me
hã poto
za'ra.




Taha ré hã te niha na ti'a hã 're
sa'wari, marĩ iwa 're hãimana
mono ãna. Â poré â 'rehã hã te
duré isisiwimhã 're sa'wari.

Duré robra si te â poré
nhisiwi 're sa'wari.


Taha wamhã te 'Re
ihãimana u'âsi mono
pẽ'ẽzani, â nhisiwimhã
're mo.



Tawamhã 'Re ihâimana u'âsi mono te tinha ãne:
— Ma'ãpé airowa'a na. Tahawa imreme hawi
ma tô oto tirowa'a na'rata.




Tahawa rowa'a, ma tō sisi, rowa'a na. Duré robra,
ma tō sisi, mara na. Tawamhã ma tō timara. Duré
ma tō oto ti'awē. Ā hã oto bādâ isãna'rada.



Tawamhã ãne te duré tinha, 'Re ihâimana u'âsi mono hã: — Â, ma'ãpé aiwa asima aipo'o aba, maparane misi zahuré si'uiwa na 're sa'wari zahuré mono da. Tahawa ta hã ma tô 'Re ihâimana u'âsi mono hã sisi, hâiwa na. Tawamhã ma tô duré oto timara. Ma tô oto ti'awẽ. ã hã oto duré maparane bôtã ãma hã.



Tawamhã te duré tinha ãne: — Â hã hâiwa zahâpâ 're isa'wari mono hã te za misi haré oto ubumro, ti'ai 'ré na oto sihâi'ré da, ti'a hã. Tahawa ãne hã ma tô oto tiromhâiba. Tawamhã rob'ré ma tô duré sisi, ti'a na.




Duré â, sitême isito simisutu hâimana da hã ma tô sisi, âporé na. Tawamhã 'Re ihâimana u'âsi mono, te te i'apoto mono hã, ma tô iwê na hã ab'madâ'â ze.




Tahawa te duré ãne tinha: — Ti'a na te za sipu'u pese
na rowede norĩ hã oto 're poto za'ra, nima norĩ inhama
ré mono hã duré nima norĩ i'rãi ré mono hã.

Tahawa ãne hã ma tô oto
tiromhâiba. Tawamhã ma tô
duré timara. Ma tô ti'awẽ.


Ã hã oto si'ubdatõ bõtã ãma hã.




'Re ihâimana u'âsi mono, maparane ma tô isa'êtê norĩ
hã poto zahuré, isa'êne hã bătâ na te te
're irob'uiwê mono da hã, duré
isa'êtê prã hã bara na te te 're
ĩrob'uiwê mono da hã. Tawamhã
wasi norĩ zama ma tô te te apoto.
Tawamhã ma tô duré oto timara.
Ma tô oto ti'awê. ã hã
oto duré maparane
si'uiwa na bătâ
ãma hã.




Taha pari 'Re ihâimana
u'âsi mono te duré tinha
ãne: — Â 'rowi sipu'u
pese na te za ihâiba ré
norĩ hã ahâ na te te sina
're ânhitob za'ra. Duré
ti'a nhisiwi te za hâiwi, si
norĩ hã 're sisa'rei mono.
Tawamhã ma tô duré
timara. Ma tô ti'awẽ. ã hã
oto imrotõ bôtã ãma hã.




Tawamhã te duré tinha ãne: — Ti'ai 'remhã te za oto abaze norĩ, da te 're itébré za'ra mono hã, duré rom na 're ihâimana za'ra mono hã, duré di'i na 're inomro mono hã sina 're hâ'â, ipoto mono bâ. Tahawa ãne ma tô tiromhâiba.




Tawamhã te duré tinha ãne: — ãhã na, wasine 're ihâimana za'ra mono da hã a'uwẽ wa te oto poto za'ra na. Tawamhã ta norĩ hã te za â 'rowi tebe 're inomro mono norĩ ma, siptete na hã 're hâimana za'ra, duré si norĩ ma hã, duré abaze da te 're itébré za'ra mono norĩ ma hã, duré rom na 're ihâimana za'ra mono norĩ ma hã, duré di'i na 're inomro mono norĩ ma hã.




Tawamhã 'Re ihâimana u'âsi mono, uburé marĩ te te
duré i'apoto mono hã ma tô iwẽ na hã ab'madâ'â ze.
Tawamhã ma tô duré timara. Ma tô ti'awẽ. ã hã
oto 6 na bătã ãma hã.



Tawamhã Uburé Danhib'apito 'Re ihâimana u'âsi mono,
ma tô Édê na rob're nhisi ãma aibâ hã tisã, te te 're
'madâ'â mono da, duré te te iwa 're rob're mono da oto.



Tahawa ma tô ãne tãma
waihu'u: — Rob're ãma
rowede 're isimasa
mono 'rã, te za siwa'ru
uburé 're i'a'masi u'âsi
mo. Iwẽ hã iwasété me,
za da te ãma 're iwaihu'u
za'ra mono wede 'rã si
hã 're 'mai'rêne mono õ
di za. E marĩ wa. Nimahã
bâtã na 'mai'rêne
wamhã, õne haré za
atã'ã na dã'ãsina.




Si norĩ hã, uburé abaze da te 're
itébré za'ra mono norĩ hã duré
rom na 're ihâimana za'ra mono
norĩ hã ma tô te te anhisi, imono
bâ. Tane nherẽ, zahadu ihâiba
a'âri'wa ipawapto'wa da hã tãma
'mai hâimana õ di.



Tahawa Uburé Danhib'apito 'Re ihâimana u'âsi mono,
ma tô aibâ ma aptâ'â uptabi hã tãma tisõ, ãma sõtõ
pese da. Tahawa sõtõ pese ré, ma tô iwaihi zati hã
misi tiwi waze. Duré te te
iwazerezéb ãma hã ma tô
apâ inhi na ãma ato.
Tawamhã taha waihi
na ma tô pi'õ 'manha.
Taha pari, te aibâ
tēmehã oto saprõ.




Ãne wa, te za aibâ, timama tina me
te te 're rēme zahuré, timro me si,
sina sihâiba sitom haré 're hâimana
zahuré mono da oto. Tawamhã te za
maparane ihâiba nherẽ, misi dahâiba
ne oto siré 're hâimana zahuré.



'Re ihâimana
u'âsi mono ma, tãma dazawi pese uptabi
wa, ma tô ti'ra hã misi nherẽ, we tisõ,
dazada dâ'â da. Tawamhã i'ra, da te
dasina 're umnhasi za'ra mono wamhã,
dadâ'â ãna te za hâiwa ãma i'rata
're dasi'ubumroi u'âsi.
Ropipa ãma isiti 're
dasi'ubumroi
mono õ
di za.



1



60



Roma 3:23

Uburé te dawasété na a'uwẽ mono bâ 're danomro. Tahawa, te 'Re ihâimana u'âsi mono 're imorĩ wẽ uptabi zém nhiti 're dahâimana za'ra, 'râwi da te dasina 're tété waihu'u za'ra mono ãna.

Roma 6:23

Dawasété na si 're idanomro mono zé wa'rãmi, te za dadâ'â u'âsi ne 're dahâimana za'ra dapẽ'ẽ 're, 'Re ihâimana u'âsi mono nhiti. Wanhíb'apito Cristu Zezusihi ãma si 're danomro mono wapsi, te za 'Re ihâimana u'âsi mono hã sôpru wa, te te dama 're apisutu, i'rata 're idahâimana u'âsi za'ra mono zéb da hã, asa tãma 're idasiwa'âbâ za'ra mono zéb zô, sina 're simnhasi mono ãna.



Hebreu 9:27

Misi haré te za aihĩni 're dadâ'â za'ra. Taha parip si te za 'Re ihâimana u'âsi mono hã niwapsi da'awaihu'u, dawẽ na duré dawasété na zama, taha zarina te te oto dama 're arowairébé mono da hã.

Éfézu 2:8,9

'Re ihâimana u'âsi mono te te 're asawi pese za'ra wa'aba mono zéb zarina, ma tô asõ'reptu za'ra wa'wa, Wa'anho'reptui'wa hã asina 're i'umnhasi za'ra wa'aba mono zéb zarina. Asi'uihâ na 're asisõ'reptui waihu'u za'ra wa'aba mono õ di. Sõpru wa, ma tô Wamama hã aima ãma uwaimrami za'ra wa'wa, asõ'reptu za'ra wa'aba zém na hã. Marĩ hã ahâ na 're 'manharĩ wẽ za'ra wa'aba mono nherẽ, taha zarina te te 're asõ'reptu za'ra wa'aba mono õ di za 'Re ihâimana u'âsi mono hã, 'râwi asi'ãma wa'aba 're ai'maiwata aba mono tõi da, asi'uihâ na asi'manho'reptui wa'aba mono dai õ wa.



Roma 10:9,10

Zezusi hã Asib'apito uptabi na, asadawa na danho'a 're sisi za'ra wa'aba mono wamhã, duré 'râwi aipẽ'ẽ 're, 'Re ihâimana u'âsi mono, Zezusi te te ihâiwa'utuzém na, 're sazei pese za'ra wa'aba mono wamhã, tawapsi te za te te 're asõ'reptu za'ra wa'wa, 'Re ihâimana u'âsi mono hã. Zezusi hã wapẽ'ẽ 're, wa te wasina 're i'umnhasi za'ra mono zém na, 'Re ihâimana u'âsi mono hã te te 're iwa'awěsãmri mono zé hã. Zezusi hã Wanhib'apito na danho'a, wa te dama 're isisi za'ra mono zém na, 'Re ihâimana u'âsi mono te te 're iwa'anho'reptui mono zé hã.



Zuwã 3:16,17

'Re ihâimana u'âsi mono ma, tãma dazawi pese uptabi wa, ma tô ti'ra hã misi nherẽ, we tisõ, dazada dâ'â da. Tawamhã i'ra, da te dasina 're umnhasi za'ra mono wamhã, dadâ'â ãna te za hâiwa ãma i'rata 're dasi'ubumroi u'âsi. Ropipa ãma isiti 're dasi'ubumroi mono õ di za. 'Re ihâimana u'âsi mono ma tô ti'ra hã we satõ ti'ai u, te te 're da'anho'reptui mono da. Te te 're da'ahâ za'ra mono da, we te te satõrĩ õ di.



1 Zuwã 5:11-13

E niha 'Re ihâimana u'âsi mono hã, ti'ra te te dama 're iwaihu'u mono zé hã. Ta hã ma tô te te wama 're apisutu, i'ra wazada idâ'âzém na ãma 're iwanomro u'âsi mono zéb da hã. Ni'wam norĩ hã 'Re ihâimana u'âsi mono 'ra siré, 'râwi 're nomro mono wamhã, ta norĩ hã te za dâ'â ãna 're hâimana u'âsi za'ra, 'Re ihâimana u'âsi mono 'rata. Tane nherẽ, ni'wam norĩ hã 'Re ihâimana u'âsi mono 'ra siré 're nomro mono õ wamhã, ta norĩ hã i'rata dâ'â ãna 're hâimana u'âsi za'ra mono õ di za. E marĩ da, wa ãne aima rob'ui'ééré za'ra wa'wa, 'Re ihâimana u'âsi mono 'ra, asina 're i'umnhasi za'ra wa'aba mono norĩ ma. Aipẽ'ẽ 're, atâ'â ãna 're anomro u'âsi aba mono zém na sena na asina waihu'u pese za'ra wa'aba da, wa ãne aima rob'ui'ééré za'ra wa'wa.



Zenezi 1-2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: Bob Davies, Tammy S.

Xavabte Bible (xav) © 2011, Wycliffe Bible Translators, Inc.
All rights reserved.

<https://www.bible.com/bible/683/GEN.1.XAVBP>

<https://live.bible.is/bible/XAVTBL/MAT/1>

©2026 Bible for Children, Inc.

www.M1914.org

www.bibleforchildren.org

